

公署

國家分曹別職各有治所韋蘇州云自慚居處崇未睹斯民康公署之不與民居同也舊矣其在一邑有正衙分廳外此驛館行臺下至育嬰堂之類在所必記興自甲寅兵燹後類多傾圮節次修治不獨學宮學校煥然一新已也守此土者誠無負夙夜在公之義矣

縣治爲通判舊署嘉靖庚申從巡撫都御史何遷巡按御

興安縣志

卷八

公署

一

史鄭本立奏請詔許立縣時知縣陳慶雲始創治堂前廳後宅兩廡儀門大門典史廨土地祠犴獄一如他邑制萬歷間知縣劉一貫郎文煥相繼修葺明末燬於兵

國朝順治己丑知縣葉承祧重建庚子再設縣丞一員乃創丞廨於治堂右康熙壬子並燬於火知縣劉儀寵復建規模粗備大堂下有古松一株鐵幹霜皮龍鱗偃蹇殆數百年物也知縣黎明智作亭其間額曰萬夫之庇題詠甚多今松朽亭廢

縣丞廨在大堂右缺今裁

典史廨在大堂左今移於右

申明亭在縣門左

旌善亭在縣門右

醫學在縣治門西今廢

陰陽學在縣治東今廢

學署東齋在明倫堂前教諭胡學淵建自爲記西齋在學

宮左訓導蔡耀倡建知縣張明三記均載藝文

分防外委舊署在縣堂背今廢址存

演武廳在東關外一里許

興安縣志

卷八

公署

二

養濟院在東關外

育嬰堂在學廠右側今廢址存

察院司在南門內今廢

布政分司在南門內今廢

按察分司在南門內兩司相對額曰兩道行臺今久廢

考棚在城內南街乾隆三十九年通縣士民捐建

倉庫

預備倉在縣治南街知縣孟倣建

社倉在城內歐陽洵記藝文載

□民倉在南門內知縣孟倣建侍郎□鏜記藝記文載

社倉現貯穀石一千六百

總社倉乾隆三十三年建立總社倉二處一在石一斗五□□□□計

五百一十一在葛源計三間貯穀石八斗六升

漕倉在弋陽東關外建自明季知縣白紹光

國朝康熙四十七年知縣張景載卽舊基重建□□□□

附漕署基址

舊址東至蕭公廟南至弋河西至古巷北至後山新基東

興安縣志

卷八

公署

三

至倉南至街西至巷北至山

嘉慶十六年知縣余成彪重修自爲記

省會漕倉在省城得勝門外兩直計倉廩十間官□□□

三進